

△ 湖州银矿 湖州武康、长兴等山有银矿。

△ 辽江煤 湖南产煤之地，自醴陵通至湘潭，纵横二万一千方英里。所产之煤分为二种，一曰辽江煤，一曰湘江煤，质洁净。惟华人采法不精，遗弃甚多，上品之煤运至汉口，每吨成本不过三两二钱。（廿三年《维新日报》）

△ 河南煤况 河南府产石煤极盛，虽亿兆人用之不竭。太行山脚亦有之。河南南岸鲁山等处有极大煤田，皆与极好之铁矿附近。（又）

△ 山西煤况 山西全省之煤，有人估计至少有六千三百万万吨。以天下之人照现在所用之数，足用二千年有余。

△ 石门铜矿 湖南澧州石门地方，铜矿甚旺。

△ 上虞铁矿 绍兴、上虞等处铁矿，各山涧冲下之砂拣取提炼，每百斤可得四十余斤。

△ 苍梧金矿 梧州府苍梧县属颖田芋莢岭有金矿。

△ 奉化银矿 宁波奉化某山产银。

△ 闽清银铅矿 福州闽清县十四都有银铅等矿。（《苏报》）

△ 儋州金矿 儋州城南相去约七十里之土名南井河及长春里之便罗河，又附近那天之那金河三处，均有金矿。王刺史之翰先行试办，再请招商。（《中外日报》）

△ 英人拟采三省矿 英人拟立公司，专采皖苏赣三省之矿。今集股三十万〇一百四十磅。（《汇报》）

△ 中国产金钢石 德人在胶州矿中觅得金钢石。法国《学汇报》谓，（光绪）廿四年前北京有教士精于博物学，曾于教堂所用煤中，并于街间拾得金钢石粒屑。则中国产生此石无可致疑。（又）

△ 天全州银矿 四川天全州大穴头山银矿，上年十月由商人易绩成稟请承开，已由川督批准。（又 廿六年）

△ 迁安县金矿 直隶迁安县峪儿岩金矿，本由香山徐雨之观察

承办。当时每日可得金百余两，后让归路矿总局，收数大减，每日只得七八两。（又）

△ 金勃尔来城 金勃尔来产金刚石，西人往采者踵相接，人烟凑集，于一千八百六十九年筑建城垣，名金勃尔来城，至今仍之。英人夺为己有，归加不总督管辖。

以天下岁出金刚石作一百分计之，金勃尔来所出多至九十五分。（又）

△ 九十九年产金数 九十九年合众国产金三百六十兆，斐洲南境出三十七兆，合计天下共采一千五百兆。

△ 九十九年产煤数 九十九年天下采取煤共六万六千二百八十二万吨。内百分之三十分半出英，二十分出于日尔曼，三十分出于合众国，奥得五分三尼，法得四分八尼，比得三分三尼，俄得二分，他国又得五分。（以上均《汇报》）

△ 开平余利 开平煤局本年结账，除去开销可获利二分四尼。以一分五为股友之余利，其余归入公积。若秦皇岛铁路接通，矿所出路便捷，可操必胜之券。（《苏报》）

△ 吸水机器价 矿中吸水机器色样亦多，其用牲力，而一点钟吸水一百余担，喷水高一百廿五丈者，价约二百五十元。（《汇报》）

△ 磁石 磁石产于瑞典、瑙威、日耳曼爱尔伯岛、印度等处。他处间有之，然甚罕。（又）

△ 贵州水银矿 英法人集股开贵州水银矿，股分有九万八千镑，工师白里力。据言矿地甚大。贵州所产硝硫与锑亦多，除所欲开之地外，产水银之处不少，皆为该公司管辖所及。（《华英捷报》）

△ 英商开蜀矿 英商摩根议开四川全省诸矿，与李征庸会商一切。已派矿师甲开等三人至蜀。（廿六年《博闻报》）

△ 罗森煤矿 复州之东二十英里罗森地方煤矿，日出煤一百五十吨。西运至怀芳汀地方，为铁路之用。怀芳汀距大连湾不过六十